



ს ა ქ ა რ თ ვ ე ლ ო
წყალტუბოს მუნიციპალიტეტის საკრებულო



განკარგულება:გ-49.49212113

თარიღი:30/07/2021

გ ა ნ კ ა რ გ უ ლ ე ბ ა № 44

წყალტუბოს მუნიციპალიტეტის მერიის სივრცითი მოწყობის, ინფრასტრუქტურის, არქიტექტურისა და კეთილმოწყობის სამსახურის მიერ 2020 წელსა და

2021 წლის I-II კვარტალში გაწეული მუშაობის შესახებ

წყალტუბოს მუნიციპალიტეტის საკრებულომ მოისმინა წყალტუბოს მუნიციპალიტეტის მერიის სივრცითი მოწყობის, ინფრასტრუქტურის, არქიტექტურისა და კეთილმოწყობის სამსახურის ანგარიში 2020 წელსა და 2021 წლის I-II კვარტალში გაწეული მუშაობის შესახებ.

აღინიშნა, რომ წარმოდგენილი ანგარიში შესაბამისობაშია კანონმდებლობასთან და სათანადო დებულებით გათვალისწინებულ მოთხოვნებთან.

ზემოთ აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის მე-2 ნაწილისა და „წყალტუბოს მუნიციპალიტეტის საკრებულოს რეგლამენტის დამტკიცების შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის N36 დადგენილებით დამტკიცებული რეგლამენტის 25-ე მუხლის პირველი პუნქტის „ვ“ ქვეპუნქტის შესაბამისად:

1. დამტკიცდეს წყალტუბოს მუნიციპალიტეტის მერიის სივრცითი მოწყობის, ინფრასტრუქტურის, არქიტექტურისა და კეთილმოწყობის სამსახურის ანგარიში 2020 წელსა და 2021 წლის I-II კვარტალში გაწეული მუშაობის შესახებ.
2. წყალტუბოს მუნიციპალიტეტის მერიის სივრცითი მოწყობის, ინფრასტრუქტურის, არქიტექტურისა და კეთილმოწყობის სამსახურის მიერ 2020 წელსა და 2021 წლის I-II კვარტალში გაწეული მუშაობა შეფასდეს დადებითად.
3. განკარგულება ძალაში შევიდეს გამოქვეყნებისთანავე.
4. განკარგულება შეიძლება გასაჩივრდეს კანონით დადგენილი წესით, მისი გაცნობიდან ერთი თვის ვადაში, ქუთაისის საქალაქო სასამართლოში (მის: ქ. ქუთაისი, კუპრადის ქ. №11).

პაატა ახალაძე

წყალტუბოს მუნიციპალიტეტის საკრებულო-საკრებულოს თავმჯდომარე

გამოყენებულია კვალიფიციური ელექტრონული ხელმოწერა/ ელექტრონული შტამპი



ანგარიში

2020 წელს და 2021 წლის 1-2 კვარტლებში გაწეული მუშაობის შესახებ

2020-2021 წწ. განვლილ პერიოდში წყალტუბოს მუნიციპალიტეტის მერიის სივრცითი მოწყობის, არქიტექტურის, ინფრასტრუქტურისა და კეთილმოწყობის სამსახურის მიერ, მუნიციპალიტეტში მდგრადი ინფრასტრუქტურული განვითარების უზრუნველყოფის მიზნით შემუშავებული სამოქმედო გეგმების შესაბამისად, მიზანმიმართული ღონისძიებები ხორციელდებოდა საინჟინრო და საგზაო ინფრასტრუქტურის რეაბილიტაციის, მშენებლობების, ტერიტორიების განაშენიანებისა და კეთილმოწყობის, შენობა-ნაგებობების არქიტექტურული იერსახის გასაუმჯობესებლად.

დებულებით მინიჭებული უფლებამოსილების ფარგლებში სამსახური პრიორიტეტულად ახორციელებდა საზედამხედველო ფუნქციებს თითოეული პროექტის ხარისხობრივი მაჩვენებლების გაუმჯობესებისა და მითითებულ ვადებში დასრულებაზე.

თავიდანვე გვინდა ხაზგასმით ავღნიშნოთ, რომ სამსახურის თითოეული თანამშრომლის მიმართ მომთხოვნელობის გაძლიერებისა და მინდობილი საქმისადმი მათი პასუხისმგებლობის ამალგების შედეგად, როგორც ეს ქვეყნის მასშტაბით ჩატარებული ყოველწლიური მონაცემების ანალიზშია აჩვენა, ინფრასტრუქტურული პროექტების საპროექტო წინადადებების მომზადების, მათი ინიცირების, შერჩეული პროექტების შესრულების ხარისხობრივი მაჩვენებლების, საკასო შესრულების, დადგენილ ვადებში პროექტების მიღება-ჩაბარებების და სხვა მნიშვნელოვანი პარამეტრების შეფასების კუთხით წყალტუბოს მუნიციპალიტეტის მერია ყველაზე მოწინავე პოზიციებზეა მუნიციპალიტეტებს შორის.

2020 წლის დასაწყისში სამსახურის მიერ სატენდეროდ ინიცირებული იქნა 2018-2020 წლების სამოქმედო გეგმაში შეტანილი 20 მსხვილი ინფრასტრუქტურული პროექტი. შედგა განსახორციელებელი პროექტების აღწერის ფორმები, გაკეთდა მათი SVOT ანალიზი. პროექტები, რომლებსაც გავლილი ჰქონდათ ექსპერტიზა მოწონებისათვის ეტაპობრივად

იგზავნებოდა მუნიციპალიტეტის საკრებულოში და განსახილველად წარედგინებოდა სამხარეო საკონსულტაციო საბჭოს, რომლის შემდეგაც დადგენილი ლიმიტის ფარგლებში პროექტები შესაბამისი დასაბუთებით დაფინანსების გამოყოფისათვის იგზავნებოდა რგ(პ) ფონდში.

2020 წელს რგფ-ის მიერ გამოყოფილი დაფინანსებით 19 სხვადასხვა მისამართზე დაიწყო მსხვილი საგზაო ინფრასტრუქტურული და ერთ მისამართზე სასმელი წყლის ქსელის მოწყობის სამუშაოები, რომელთა სახელშეკრულებო ღირებულებამ ჯამურად - 7270000 ლარს გადააჭარბა. სამი პროექტი გარდამავალი იყო, რომელთაგან 2 მისამართზე სამუშაოები მ/წელს დასრულდა, ხოლო ერთ მისამართზე- სოფ. რიონში სასმელი წყლის ქსელის მოწყობის სამუშაოები უახლოეს პერიოდში დასრულდება.

საანგარიშო პერიოდში ტენდერში გამარჯვებულ კომპანიებთან გაფორმებული ხელშეკრულებებით გათვალისწინებულ ვადებში დასრულდა შემდეგი მსხვილი საგზაო ინფრასტრუქტურული სამუშაოები:

სოფელ ფარცხანაყანევში (გოდუაძეების უბანში) რეაბილიტირებული იქნა გზა ბეტონის საფარით. პროექტის მთლიანი ღირებულება 865158 ლარს შეადგენდა. გზის სიგრძე 3 კმ-ია.

სოფ. ქვიტირში ჭეიშვილების უბანში ბეტონის საფარით რეაბილიტირებული გზის ღირებულება 540500 ლარია, გზის სიგრძე 2.3 კმ-ია.

სოფელ მაღლაკში (იმერეთის საყრდენი პუნქტი) გზა რეაბილიტირებული იქნა ა/ ბეტონის საფარით. პროექტის მთლიანი ღირებულება 530636 ლარია, გზის სიგრძე 1.6 კმ-ია.

სოფელ საყულიაში სასაფლაოსთან მისასვლელი გზის სარეაბილიტაციო სამუშაოების მთლიანი ღირებულება 1044360 ლარია, გზის სიგრძე 1.4 კმ-ია.

სოფელ ცხუნკურში წიაღის უბანში ბეტონის საფარით გზის სარეაბილიტაციო ღირებულება 714126 ლარია, გზის სიგრძე 1.5 კმ-ია.

სოფელ ტყაჩირში ბოჭორიშვილების უბანში გზის სარეაბილიტაციო ღირებულება 508023 ლარია, გზის სიგრძე .1.2 კმ-ია.

სოფელ გუმბრაში (გუმბრინის დასახლება) გზის ბეტონის საფარით სარეაბილიტაციო ღირებულება 366432 ლარია, გზის სიგრძე 1 კმ-ია.

ქ. წყალტუბოში განხორციელდა ჭავჭავაძის ქუჩის მე -2 ჩიხის და ერისთავის ქუჩაზე 16 ბინის მიმდებარედ გზის ბეტონის საფარით სარეაბილიტაციო სამუშაოები. პროექტის მთლიანი ღირებულება 99557 ლარია, გზის სიგრძე 0.2 კმ-ია.

ქ. წყალტუბოში კოსტავას ქუჩის მე -2 ბინის მიმდებარედ და სოლომონ პირველის ქუჩაზე განხორციელდა გზების ბეტონის საფარით რეაბილიტაცია. პროექტის მთლიანი ღირებულება 66954 ლარია, გზის სიგრძე 0.2 კმ-ია

სოფელ პირველ წყალტუბოში განხორციელებული გზის სარეაბილიტაციო სამუშაოების მთლიანი ღირებულება 423531 ლარია, გზის სიგრძე 1.2 კმ-ია.

სოფელ მესხეთში რეაბილიტაცია ჩაუტარდა გამსახურდიას ქუჩას ბეტონის საფარით. პროექტის მთლიანი ღირებულება 647159 ლარია, გზის სიგრძე 1.4 კმ-ია.

სოფელ გვიშტიბში ბობოხიძეების უბანში რეაბილიტირებული იქნა გზა ბეტონის საფარით. პროექტის მთლიანი ღირებულება 180850 ლარია, გზის სიგრძე 0.4 კმ-ია.

სოფელ წყალტუბოში (მე 2 უბანში) გზების რეაბილიტაციის მთლიანი ღირებულება 691319 ლარია, გზის სიგრძე 1.5 კმ-ია.

სოფელ ყუმისთავში სვანიძეების უბანში გზის რეაბილიტაცია ბეტონის საფარით. 143252 ლარის ღირებულებისაა, გზის სიგრძე 0.8 კმ-ია.

სოფელ ცხუნკურში ჩირგაძეების უბანში გზის რეაბილიტაციისათვის 263015 ლარი იქნა გამოყოფილი, გზის სიგრძე 0.5 კმ-ია.

სოფ. ბანოჯაში მე -19 ქუჩაზე გზის რეაბილიტაციის სამუშაოების მთლიანი ღირებულება 183221 ლარია.

4 მსხვილი ინფრასტრუქტურული პროექტი გარდამავალი იყო და მათი სამუშაოები 2021 წელს გაგრძელდა:

დასრულდა სოფ. ხომულში მე -18 ქუჩის რეაბილიტაციის სამუშაოები, ღირებულებით 100000 ლარი,

მ/ წელს სოფ. მუხიანში, ბროწეულას დასახლებაში დასრულდა მისასვლელი გზის რეაბილიტაციის სამუშაოები, ღირებულებით 100000 ლარი და სოფ. გეგუთში გზის რეაბილიტაციის სამუშაოები, რომლის სახელშეკრულებო ღირებულება 639999 ლარია.

მიმდინარეობს წყალტუბოს მუნიციპალიტეტის სოფ რიონში სასმელი წყლის ქსელის მოწყობის სამუშაოები, რომლის მთლიანი სახელშეკრულებო ღირებულება 686631 ლარია.

რგ(პ) ფონდის მიერ დაფინანსებული ყველა პროექტთან მიმართებაში მუნიციპალიტეტის თანადაფინანსების წილობრივი მონაწილეობა 5%-ს შეადგენდა და ჯამურად 390000 ლარია

2020 წელს ადგილობრივი ბიუჯეტიდან დაფინანსდა 51 სხვადასხვა მიმართულების ინფრასტრუქტურული პროექტი, მათ შორის:

წყალტუბოს მუნიციპალიტეტის სოფ. ზარათში დაზიანებული სასმელი წყლის სათავე ნაგებობის რეაბილიტაციისათვის შესყიდული იქნა საჭირო მასალები, ღირებულებით 6987 ლარი; ქ. წყალტუბოში ჭავჭავაძისა და დედაენის ქუჩების, წერეთლისა და ავალიანის ქუჩების, ტაბიძისა და 9 აპრილის ქუჩების გადაკვეთაზე განხორციელდა არსებული შუქნიშნების ელექტროსამონტაჟო-სარეაბილიტაციო სამუშაოები, ღირებულებით 34927 ლარი; წყალტუბოს მუნიციპალიტეტის სოფლებში დღნორისაში, ჭამლეთში, საჩხეურაში, ლეხინდრისთავში, სოფ. ხომულში მე - ჩინში და მე 18 ქუჩაზე დასრულდა გარე განათების ქსელის მოწყობის სამუშაოები, ღირებულებით 62249 ლარი;

დასრულდა წყალტუბოს მუნიციპალიტეტის სოფლებში ზარათში, ოფურჩხეთში, სორმონში, წყალტუბოში, გუმბრაში, მაღლაკში, პირველ წყალტუბოში (ჭავჭავაძის ქ 10, დედაენისქ. 9 და ბესიკის ქ 1 ბინების მიმდებარედ) გარე განათების ქსელის მოწყობა, ღირებულებით 84431 ლარი.

წყალტუბოს მუნიციპალიტეტის სოფ წყალტუბოში(მეორე უბანი)ყუმისთავში, ბანოჯაში, ჩუნეშში, და სოფ. რიონში დასრულდა მოსაცდელელების მოწყობის სამუშაოები, ღირებულებით 45231 ლარი;

დასრულდა წყალტუბოს მუნიციპალიტეტის სოფ. წყალტუბოში მე-15 და 23-ე ქუჩებზე საავტომობილო გზის ა/ ბეტონის საფარით რეაბილიტაციის სამუშაოები, ღირებულებით 175555 ლარი;

დასრულდა ქ. წყალტუბოში აკ. შანიძის ქუჩაზე და სოფ. ოფურჩხეთში ტრენაჟორების მოწყობის სამუშაოები, ღირებულებით 47907 ლარი;

დასრულდა წყალტუბოს მუნიციპალიტეტის სოფ. წყალტუბოში (მეორე უბანი) სასმელი წყლის ქსელის მოწყობის სამუშაოები, ღირებულებით 629117 ლარი; ო. იოსელიანის ბიუსტის და პოსტამენტის მოწყობის სამუშაოები -28321 ლარი;

დასრულდა წყალტუბოს მუნიციპალიტეტის სოფელ ქვილიშორში სასმელი წყლის სისტემის მოწყობის სამუშაოები, ღირებულებით 52500 ლარი; დასრულდა წყალტუბოს მუნიციპალიტეტის სოფლებში ჟონეთში, მაღლაკში, წყალტუბოში, ქ. წყალტუბოში თამარ მეფის ქუჩაზე, აკ. შანიძის და ტაბიძის ქუჩაზე 15,17,19 ბინების მიმდებარედ არსებული სპორტული მოედნების რეაბილიტაციის,ქ. წყალტუბოში კეცხოველის ქუჩაზე მრავალფუნქციური მინი სპორტული მოედნის მოწყობის სამუშაოები, ღირებულებით 93457 ლარი და ა. შ.

ბინათმესაკუთრეთა ამხანაგობების განვითარების ხელშეწყობის პროგრამის ფარგლებში ადგილობრივი ბიუჯეტის შესაბამისი პროგრამული მუხლიდან გამოყოფილი თანადაფინანსებით შეკეთდა 8 საცხოვრებელი კორპუსის სახურავი.

სოფლის მხარდაჭერის პროგრამის ფარგლებში 2020 წელს მუნიციპალიტეტის ყველა სოფელში, სოფლის მცხოვრებლების აქტიური ჩართულობით განხორციელდა შიდა სასოფლო გზების რეაბილიტაციისა და გარე განათებების მოწყობის სამუშაოები, რისთვისაც სახელმწიფო ბიუჯეტიდან და ადგილობრივი ბიუჯეტებიდან 1100000 ზე მეტი გამოიყო, ხოლო შესრულებული სამუშაოების ღირებულებამ ჯამურად 1173158 ლარი შეადგინა (აქედან 544000 ათასი ლარი ხოლო ადგილობრივი ბიუჯეტიდან იქნა გამოყოფილი) .

2020 წელს მასშტაბური სარეაბილიტაციო სამუშაოები განხორციელდა მუნიციპალიტეტის საჯარო სკოლებში. დელეგირებული უფლებამოსილების ფარგლებში მუნიციპალიტეტის 33 საჯარო სკოლაში განხორციელდა სხვადასხვა სახის სარეაბილიტაციო სამუშაოები. განხორციელებული პროექტების 95%-ით კაპიტალურად შეკეთდა საჯარო სკოლების სველი წერტილები. სულ ამ მიმართებით დაგეგმილი პროექტების განსახორციელებელი სამუშაოების სახელშეკრულებო ღირებულებამ ჯამურად -2030847 ლარი შეადგინა.

დელეგირებული უფლებამოსილების ფარგლებში წლის მანძილზე მუნიციპალიტეტის საჯარო სკოლებში შეუფერხებლად ხორციელდებოდა მოსწავლეთა ტრანსპორტირება 108 სხვადასხვა მიმართულებით რომელსაც აფინანსებდა საგანმანათლებლო და სამეცნიერო ინფრასტრუქტურის განვითარების სააგენტო.

სტიქიის პრევენციის ფარგლებში 655755 ლარით დაფინანსდა 2020 წლის 23 აგვისტოს სტიქიის შედეგად დაზიანებული ინფრასტრუქტურის სარეაბილიტაციო სამუშაოები- წყალტუბოს მუნიციპალიტეტის სოფელ ცხუნკურის, ოფურჩხეთის , სოფელ წყალტუბოს, გუმბრის, გვიშტიბის (თერნალი) ადმინისტრაციულ ერთეულებში, ქალაქ წყალტუბოში (ქუთაისის ქუჩაზე, ვაჟა-ფშაველას ქუჩაზე და ბარათაშვილის ქუჩაზე) შიდა სასოფლო და ცენტრალური საავტომობილო გზების რეაბილიტაციის სამუშაოები, სოფელ დღნორისის ადმინისტრაციულ ერთეულში, მექვენის ადმინისტრაციულ ერთეულში შიდა სასოფლო და ცენტრალური საავტომობილო გზების სარეაბილიტაციო სამუშაოები, ქალაქ წყალტუბოში კოსტავას ქუჩაზე სანიღვრე არხის მოწყობის სამუშაოები, სოფელ ბანოჯის და სათაფლიის უბანში სასმელი წყლის სათავე ნაგებობის რეაბილიტაციის სამუშაოები, სოფელ ჭოლვეის სასმელი წყლის სათავე ნაგებობის რეაბილიტაციის სამუშაოები, სოფელ რიონში 3 ლოკაციაზე, რიონი-ზარათის დამაკავშირებელ , სოფ. რიონში ქუთაისი-ნოდას გზაზე, სოფელ ცხუნკურში ქაშიბაძეებისა და ტუსკაძეების უბანში, სოფელ გვიშტიბში საყანე ფართობში, ასევე სოფელ პირველ წყალტუბოში ხიდ-ბოგირების რეაბილიტაციის სამუშაოები, სოფელ რიონის ადმინისტრაციულ ერთეულში და ოფურჩხეთის ადმინისტრაციულ ერთეულში სასოფლო და ცენტრალური საავტომობილო გზების რეაბილიტაციის სამუშაოები.

სულ 2020 წელს მუნიციპალიტეტში რგფ-ის, ადგილობრივი ბიუჯეტის, სოფლის მხარდაჭერის პროგრამის და სტიქიის პრევენციის ფარგლებში გამოყოფილი დაფინანსებებიდან ინფრასტრუქტურის განვითარებას დაახლოებით 16 მლნ. ლარი

მოხმარდა, მათ შორის: გზებისა და ტროტუარების კაპიტალურ შეკეთებაზე- დაიხარჯა - 11561301 ლარი, ხიდებისა და ბოგირების მშენებლობაზე-35763 ლარი, სანიაღვრე სისტემების ექსპლოატაცია/ რეაბილიტაციაზე-262287ლარი, მოსახლეობის სასმელი წყლით უზრუნველყოფის ღონისძიებებზე-1011688 ლარი, გარე განათების ქსელის მოწყობაზე-276457 ლარი, ბინათმესაკუთრეთა ამხანაგობების განვითარებაზე-141596 ლარი, ახალი საზოგადოებრივი სივრცეების მოწყობაზე-88530 ლარი, სოფლის მხარდაჭერის პროგრამით გათვალისწინებულ სამუშაოებზე-1100000 ლარზე მეტი. შექმნილი იქნა 150606 ლარის ღირებულების საპროექტო სახარჯთაღრიცხვო დოკუმენტაცია. საჯარო სკოლების მოსწავლეთა ტრანსპორტირებისა და სკოლების ინფრასტრუქტურის მოწყობა-რეაბილიტაციისათვის-2062541 ლარი, სპორტული ობიექტების აღჭურვასა და რეაბილიტაციისათვის -319975 ლარი.

წლის მანძილზე სამსახურის მიერ განხილული და შესწავლილი განცხადებების 30 %-ზე მეტი, რომლებიც სხვადასხვა ინფრასტრუქტურული პრობლემების მოგვარებას ითვალისწინებდა დადებითად გადაწყდა და განხორციელდა შესაბამისი ღონისძიებები. განცხადებების 35% გათვალისწინებული და შეტანილი იქნა 2021-2023 წლების სამოქმედო გეგმაში. განცხადებების 25% კონტროლზე იქნა აყვანილი და შესრულდება მ/ წელს შესაძლებლობის ფარგლებში, 10% ვერ განხორციელდება ბიუჯეტში შესაბამისი თანხების არ არსებობის გამო, რაზედაც ეცნობათ განმცხადებლებს.

2020 წელს გაიცა 80 სამშენებლო ნებართვა, ექსპლოატაციაში იქნა მიღებული 12 ობიექტი, მოხდა 121 მიწის ნაკვეთის გაყოფა- გაერთიანება.

2021 წლის საანგარიშო პერიოდში (პირველ და მეორე კვარტალში) დასრულდა 2020-2023 წლების სამოქმედო გეგმაში და 2021 წლის ადგილობრივი ბიუჯეტის შესაბამის პროგრამულ მუხლებში ასახული საგზაო- ინფრასტრუქტურული სამუშაოები შემდეგ მისამართებზე, რომლებიც რგ(პ) ფონდის მიერ იქნა დაფინანსებული: სოფ. ოფშკვიტში ინანეიშვილების უბანში, ღირებულებით 288061 ლარი, კაპანაძეების უბანში ღირებულებით-311902 ლარი, მარგველაშვილების უბანში, ღირებულებით 389949 ლარი, სოფ. ქვიტირში, ბაბუნაშვილების უბანში, ღირებულებით 494494 ლარი, სოფ. წყალტუბოში მე-2 უბანში და სოფ ჩუნემის დამაკავშირებელი გზის, ღირებულებით-550576 ლარი, სოფ. თერნალში ბზიკაძეების უბანში, ღირებულებით 299150 ლარი, სოფ. გვიშტიბში ბეკნარას უბანში , ღირებულებით-387537 ლარი.

გარდა აღნიშნული პროექტებისა ამ ეტაპზე დასრულებულია ტენდერები და მიმდინარეობს შერჩევა- შეფასების პროცედურები 11 სხვადასხვა მისამართზე მიმდინარე წელს განსახორციელებელ საგზაო-ინფრასტრუქტურულ პროექტებზე. სულ საანგარიშო პერიოდში რგფ-ის მიერ დაფინანსებულია 4816266 ლარის საგზაო- ინფრასტრუქტურული სამუშაოები.

მაღალმთიანი სოფლების განვითარების პროექტის ფარგლებში 439227 ლარით დაფინანსდა სოფ. ლეხინდრისთავში საავტომობილო გზის სარეაბილიტაციო სამუშაოები.

2021 წლის საანგარიშო პერიოდში დასრულდა ადგილობრივი ბიუჯეტით დაფინანსებული შემდეგი ინფრასტრუქტურული სამუშაოები:

სამოქალაქო ბიუჯეტის ფარგლებში: - ქალაქ წყალტუბოში, ლორთქიფანიძის ქუჩა №1-ის მიმდებარედ, მესხისა და გ. ტაბიძის ქუჩებზე, ასევე ნინოშვილის ქუჩაზე №1 ჩიხის მიმდებარედ სკვერის მოწყობის სამუშაოები (ღირებულ. 136857 ლ); ასევე, ამავე ბიუჯეტის ფარგლებში, ამავე მისამართებზე სანიაღვრე არხების მოწყობის სამუშაოები (ღირებულ-45015 ლ); წყალტუბოს მუნიციპალიტეტის შიდა გზების თოვლის საფარისაგან გაწმენდისა და სტიქიის შედეგად მიყენებული ზიანის აღმოფხვრის სამუშაოები (ღირებულ 25000 ლ); ქალაქ წყალტუბოში, ჭავჭავაძის ქუჩა N3 ბინის მიმდებარედ, ჭავჭავაძის ქუჩის მე-2 ჩიხში, ვაჟა-ფშაველას ქუჩაზე და ცენტრალურ სტადიონთან მისასვლელი გზების ასფალტო-ბეტონის საფარით რეაბილიტაციის სამუშაოები (ღირებულ.128444); სოფელ გეგუთში, სკოლასთან მისასვლელი გზის და სოფელ წყალტუბოში 26-ე ქუჩაზე გზის ასფალტო-ბეტონის საფარით რეაბილიტაციის (ღირებულ-70684 ლ), ქალაქ წყალტუბოში, ქუთაისის ქუჩაზე არსებული სახიდე გადასასვლელის აღდგენის სამუშაოები (ღირებულ-36642 ლ), სოფელ ცხუნკურში ხიდ-ბოგირის მოწყობის სამუშაოები (ღირებულ-49000 ლ).

ადგილობრივი ბიუჯეტის დაფინანსებით მიმდინარეობს ქალაქ წყალტუბოში, თბილისის, გორგასლის, ყაზბეგის, ჭონქაძის ქუჩებზე სანიაღვრე არხების რეაბილიტაციისა და გამსახურდიას ქუჩაზე სანიაღვრე ქსელის მოწყობის (ღირებულ-273983 ლ), ქალაქ წყალტუბოში, ჭავჭავაძის ქუჩაზე, თამარ-მეფის ქუჩაზე, ჩოლოყაშვილის ქუჩა N1 და თბილისის ქუჩა N1 ბინების მიმდებარედ სკვერებისა და ატრაქციონების მოწყობის (ღირებულ-237748 ლ), სოფელ ყუმისთავში სასმელი წყლის ქსელის მოწყობის(ღირებულ-83000 ლ),სოფელ ცხუნკურში სასმელი წყლის ქსელის მოწყობის(ღირებულ-83300 ლ), სოფელ წყალტუბოში მე-8 ქუჩაზე კედლის მოწყობისა და გზის ბეტონის საფარით რეაბილიტაციის, აგრეთვე სოფელ წყალტუბოში იმერეთის ქუჩის გაგრძელებაზე გზის ასფალტო-ბეტონის საფარით რეაბილიტაციის (ღირებულ-135000 ლარი)სამუშაოები. ქალაქ წყალტუბოში, ქუთაისის ქუჩაზე გზის სარეაბილიტაციო სამუშაოებზე გამოცხადებულია ტენდერი (ღირებულ 155501 ლ).

დელეგირებული უფლებამოსილების ფარგლებში გამოცხადებულია ტენდერები და დაიწყება მცირე სარეაბილიტაციო სამუშაოები მუნიციპალიტეტის 4 საჯარო სკოლაში (სოფ. გვიშტიბი, სოფ. უკანეთი, ქ. წყალტუბოს 1 და მე-2 საჯარო სკოლები) რომელთა ჯამური სატენდერო ღირებულება-78275 ლარია.

ისევე როგორც გასულ, ასევე მიმდინარე წელს შეუფერხებლად ხორციელდებოდა საჯარო სკოლების მოსწავლეთა ტრანსპორტირება, რისთვისაც მ/წლის განვლილ პერიოდში საგანმანათლებლო ინფრასტრუქტურის განვითარების სააგენტომ 118674 ლარი გამოყო.

ბინათმესაკუთრეთა ამხანაგობების განვითარების ხელშეწყობი პროგრამის ფარგლებში მიმდინარე წელს ადგილობრივი ბიუჯეტის შესაბამისი პროგრამული მუხლიდან საცხოვრებელი კორპუსების სახურავების, სადარბაზოების, ლიფტების შეკეთებისათვის საანგარიშო პერიოდში ადგილობრივი ბიუჯეტიდან 250000 ლარი გამოიყო. **მ/წელს (2020 წლის ვალდებულებით)** დაფინანსდა და დასრულდა მრავალბინიანი საცხოვრებელი კორპუსების სახურავების თანადაფინანსებით შეკეთების სამუშაოები კოლეთის ქ. №16- ში. სამუშაოების სახელშეკრულებო ღირებულება 39392 ლარს შეადგენდა. ასევე 2020 წლის ვალდებულებით განხორციელდა სახურავის თანადაფინანსებით შეკეთების სამუშაოები თამარ მეფის №15 -ში . სამუშაოების სახელშეკრულებო ღირებულება -19516 ლარია. 2020 წლის ვალდებულებით შეკეთდა საცხოვრებელი სახლის სახურავი შანიძის ქ. 4ა- ში.სახელშეკრულებო ღირებულებამ 4718 ლარი შედგინა.

მიმდინარე წელს ადგილობრივი ბიუჯეტის შესაბამისი პროგრამული მუხლიდან გამოყოფილი დაფინანსებით გაფორმდა ხელშეკრულებები და თანადაფინანსებით შეკეთდება 10 მაღლივი საცხოვრებელი კორპუსი. მიმდინარე ეტაპზე სამუშაოები დასრულებულია 3 მისამართზე (მუხიანის მეფრინველეობის ფ-კის № 2 კორპუსში, სახელშეკრ. ღირებულება 18872 ლ), დედაენის ქ. № 5-ში (ღირებულ.19133 ლ), იმერეთის საყრდენი პუნქტის №15 კორპუსში (ღირებულ.16471 ლ). სამუშაოები მიმდინარეობს კოლხეთის ქ.მე 2 შესახვ. № 29- ში, ბესიკის ქ. № 5- ში, ტაბიძის ქ. №19-ში, დედაენის ქ.მე 5 ჩიხში № 2-ში, ბესიკის ქ.№ 4- ში. გამოცხადებულია ტენდერი - ბარათაშვილის ქ. №14-ში. ტენდერების შედეგად წარმოქმნილი ეკონომიებიდან მიღებული თანხებით დამატებით დაფინანსდება სხვა საცხოვრებელი კორპუსების სარეაბილიტაციო სამუშაოები.

„სოფლის მხარდაჭერის პროგრამის ფარგლებში“ საანგარიშო პერიოდში დაიწყო და მე-3 კვარტლის ბოლოს მუნიციპალიტეტის ყველა სოფელში დასრულდება სხვადასხვა სახის ინფრასტრუქტურული სამუშაოები(ძირითადაც ბეტონის შესყიდვისა და გარე განათების ქსელის მოწყობის სამუშაოები) რომლებიც მოსახლეობის მოთხოვნების შესაბამისად მუნიციპალიტეტის სოფლებში გამართული მოსახლეობის საერთო კრებების

გადაწყვეტილებების საფუძველზე იქნა შერჩეული. სულ ამ მიმართებით სამუშაოების განსახორციელებლად 782000 ლარია გამოყოფილი, აქედან ცენტრალური ბიუჯეტიდან 704000 ლარი, ხოლო ადგილობრივი ბიუჯეტიდან-42000 ლარი.

2021 წლის განვლილ პერიოდში გაცემულია 21 სამშენებლო ნებართვა. ექსპლოატაციაშია მიღებული 5 ობიექტი, განხორციელდა 58 მიწის ნაკვეთის გაყოფა-გაერთიანება.